

**Ŋwa' wvu fwe wvù Baul to saŋεε ê  
kentaashε ke  
Tεsalonika  
Fiεε fī nu ê Ŋwa' wvu  
Tεsalonika wvu fwe wvun e**

Tεsalonika to nu kelaante kemew ê keba ke won e kè Masedonia le jò Baul to κεwκεε kentaashε ke bonyii bo mbee le. Fí to baa moocε no kentaashε kin κεwεε κε, ε Bojuu mum κεw no bane Baul bene kendonj bô wvú. Baul mum saŋ ŋwa' wvu fwe wvun fô bonyii bo Klistu le bo Tεsalonika keeyvuwsε mvuntelem mvubole, ege ε bó eleemè tεmyi.

*Bikuu bi mwεεm e ê Ŋwa' wvun e*

1:1 Keŋκεwκεε

1:2–3:13 ε Baul yuw njonj bvuu bεnse bonyii bo mbee le

4:1–12 Ntefe εkumε nce wvu bonyii bò è nu bo Klistu le

4:13–5:11 Ntefe εkumε no Klistu nu ke ekase eto

5:12–22 Ntefe wvu fokemεse

5:23–28 Kemεse

<sup>1</sup> ε nu me wvù Baul, ε me nu bee Silas noo Timatio. Me nsaanke ŋwa' wvun fô kentaashε ke bonyii bo mbee le ke Tεsalonika le kè nu ε taashε ε no nu yî Nyo' Ice bô Tata Jisos Klistu le.

Mbuwma Nyo' bô nyεkeey enù fô ben e.

*Ɛ Baul nya keyoone ê Nyo' yî kentaashε ke bonyii bo mbee le ke Tesalonika le*

<sup>2</sup> Bese ké no nyaa keyoone ê Nyo' sekecii εkumε ben bocii, bene ben sekecii ê bunle yese le.

<sup>3</sup> Seke bese nu ê Nyo' Icee wesebeene fwe, bese ké no kumyi gee dinen di buyte yî fitele fi ben lese yî Klistu le bô lemme dinen di buyte yî kenkonen kenen e noo shém yi ben kuule yî buyte yî ntaa wvù ben taale fwe yî Tata wesebeene wvù Jisos Klistu le.

<sup>4</sup> Boom bo bwee wese le bô Nyo' koonke, bese kee lo le Nyo' nu ε caw wase ben.

<sup>5</sup> Bese kee nonen njefo ke saaka wvù jee wvù bese to toε dvú fô ben e to to ke ε è nu bô njeme maan ke. Wvú to to ten bô mvunḡay mvù nen'yi fô Keyoy ke Yuule le, ε bese looci kee lo le saaka wvudvu nu keceey. Ben kee kfuu bonyii bô è to nu bese seke bese to cee ê ben entelɛn nje ben.

<sup>6</sup> Ben to nu ε no beɛene bese noo Tata njefo ben to nu ε fiisen saaka wvudvu bô nlanlan wvù nen'yi fô Keyoy ke Yuule le naa no ben cim to nu yî nḡew wvu baay e.

<sup>7</sup> Nonen ε ben mum tu bonyii bô bonyii bo mbee le bocii bo ê keba kè Masedonia le noo kè Akεya le ejoò kenfewsɛn fô bó le.

<sup>8</sup> Me njemyi nen njefo ke è mεy ke diεw yì yi Tata yì nu ε san jo ben ε ghan keba kè Masedonia bô kè Akεya le ke. Saaka wvu εkumε fitele finen fi ben lese yî Nyo' le nu ε ghan wase ten mondvuum e

---

**1:2** 2:13; Fili 1:3; Kolo 1:3; 2Tes 1:3; 2:13    **1:3** 5:1-2    **1:4** 2Tes 2:13, 16    **1:5** 1Kol 4:20    **1:6** Lem 17:5-9; 2Kol 6:10; 2Tes 3:7, 9  
**1:8** Lum 1:8

monciim. Nonɛn kɛ shiee bvuu nu dvú wvù bese ejemyi fiɛɛ ɛkumɛ fifiɛ kɛ.

<sup>9</sup> Ben ekeè ɛ bonyii bodvu kebeɛɛ nu ɛ no seɲe ɛkumɛ no ben to fiisɛnɛɛ bese ê ben ɛntelɛɲ, noo no ben to cin'yɛɛ mvunyo' le tu wase ben ɛ bo Nyo' keelemte wase Nyo' wvu keceɛy wvù kɛɲke nshii le.

<sup>10</sup> Bó seɲe tɛn no ben ceɲte Waa we wvù nu ke enɛ fowe eto le. Waa we wvun nu wvù wvù to bvuseɛ yí kpwe le, ɛ è nu Jisos wvù bvuse beene can shém Nyo' yí ffuuke yí wvù nu ke eduɲɛ ê bonyii le.

## 2

### *ɛ Baul jeme ɛkumɛ lemme diw di Tesalonika*

<sup>1</sup> Boom bo bwee wese le, ben kebeɛɛ kee lo ɛ kɛ ghane di bese to laalɛɛ ê ben e to nu ɛ la ɛcici kɛ.

<sup>2</sup> Naa no ben kee ɛ bonyii to nu ɛ nya ɲgɛw ê bese bvuu nvuwse bese ê kelaante kè Filibi le, nu ɛ bese to kuu kɛ shém ê mvunɲgay mvu Nyo' wese le keefewce saaka wvù jee wvù wvu Nyo' ê ben naa no bonyii cim to cile bese naa baay nɛn.

<sup>3</sup> Kɛ saaka wvù bese to fewci lɛke ben dvú to nu bô jay kɛ, ɛ kɛ bese to fewci bô ɲkpawce mvu wvù befe kɛnɛɛ gomte keelɛɛ lo ben kɛ.

<sup>4</sup> Geenɛn no Nyo' nu ɛ yɛn ɛ bese nu ɛ kocɛn bonyii bô wvù enya saaka wvù jee wvun can yibole, nonɛn bese ɛ mum ɛ no fewci. ɛ bese yaa fewci ɛ ye ejeè ɛ è nu bonyii kɛ. Bese fewci ɛ ye ejeè ɛ è nu Nyo' wvù taasse mvuntelem mvuseɛ.

<sup>5</sup> No ben kee nu ε bese to baa ke yuu wase etoo bô diεw ken'yem kenεε tεw fiεε fojise keedie fiεε can yene le ke. Ε fin nu fiεε ε Nyo' leeme fwe wese.

<sup>6</sup> Ke bese to baa egomte keekεηke mbense mvu ê wee kenεε wvù nen'yi fô ben e kenεε fô bonyii bomew e ke. Naa ε è to nu bvudvuu bvusese diεwε boom bo ntum e bo Klistu le keebiite mwεem le ben egeè fô bese le.

<sup>7</sup> Bese to nu fisese nyεkeey ê ben entelεη diεwε bwee wan wvù taale fô boom bew e.

<sup>8</sup> Nonεn ε bese mum jo ben ye le naa ntay bô keηkoηεn, nya ben ε è yaa mεy ke bô saaka wvù jee wvù wvu Nyo' maan ke, geenεn nya tεn bikuu bisεse ê ben njefo ben to nu wa lo mvuntelem mvusese naa baay.

<sup>9</sup> Boom bo bwee wese le, ke ben kumyi tεn lemme disese bô njimtεn wese. Bese to lemte entan bô εmvunsheen wvu le fo bese egεε bvujite yî wee mvu ben e no bese to fewci saaka wvù jee wvù wvu Nyo' ê ben ke.

<sup>10</sup> Ben kebεε naa noo Nyo' nulo eben jim nsaw wese le nce wese fô ben bonyii bo mbee le to nu wvù yuule nu teytey yaa keηke nlom yimi ke.

<sup>11</sup> Ben kee tεn no bese to gee bô ben diεwε no cee wan ké no gee bô boom bew.

<sup>12</sup> Bese to yvuwse mvuntelem mvunεn, lowci ben, tomsee le ben eceè nce ε è nu wvù Nyo' gomte. Ε nu Nyo' wvù teje ben le ben eley bvunfon bwew bô bvukukε bwew e.

<sup>13</sup> Bese shee ke tεn nyaa keyoone ê Nyo' nje fin fi

le seke bese to toε bô diεw Nyo' fô ben e, ben to nu ε fiisen diεw yidvu no yí looci nu le è nu diεw Nyo' ε è yaa nu diεw wee κε. Ε è nu yí yì lemte yí yene le, ben bô nu bonyii bo mbee le.

<sup>14</sup> Ben kee boom bo bwee wese le le fiεε fi to kooyεε bô bintaashε bi bonyii bo mbee le bi Nyo' le bì nu ε bee Klistu Jisos e ê keba kè Judea le to nu ε kooy tεn bô ben. Ben to nu ε yen tεn bonjεw can bonyii bonεn bo won e ληληη no bó to yenεε can Bojuu bobole.

<sup>15</sup> Bojuu ban nu bô to yuε Tata Jisos. Ε è nu bó bô to yuwyi bonyii bo ntum Nyo' le. Ε nu bó bô to kuηεε bese jo bó. Bó gee nonεn ε Nyo' yaa yuuke njon bô bó κε. Bó bane lo bonyii bocii,

<sup>16</sup> no bó baanke je fô bese le keejemyi ê bonyii bô yaa nu κε Bojuu wvu le bó eboy e. Bó gee nonεn sekεcii ε bibεfε bibole yiηsene bene. Shém Nyo' yì ffuuke nu ε to wase yí bó le keseen.

*Ε Baul no κεηκε shiee keebvuυ eyen bonyii bo mbee le bo Tesalonika le*

<sup>17</sup> Boom bo bwee wese le, no beene se gawsenεε nu ε bese ε mom wase naa baay κεηκε shiee le bese bee eyen ben e εjise naa no è cim bεε κε kefew caan no beene se gawsenεε. Beene nu ε gawsen κε ε è nu εjise. Beene baa gawsen ê fitele le κε.

<sup>18</sup> Bese gomte keekase eto ê ben e. Me wvù Baul kebεε nu ε mom wase naa bokan e bokan e, geenεn ε Satan jewsee κε bese.

---

**2:14** Lem 17:5      **2:15** Lem 2:23; 9:23, 29; 13:45, 50; 14:2, 5, 19; 17:5, 13; Lum 11:28; 2Kol 11:23-29      **2:16** Mat 23:31-33      **2:17** 3:10

19 Bese keŋke shiee nonen njefo fiεε fi è nulo é bese etaale fwe yî dvú le, keŋεε bvujonke bvusese bô kefo kesεse ke bvunfon e kè bese nu ke esaale ye dvú fwe dvu Tata wesebeene wvù Jisos seke wvù ε kase ε to bvuu nu la? Ke è nu ben e?

20 Ε nu naa ben bvuwee bvusese bô bvujonke bvusese.

### 3

1 Nonen no bese to yεnεε le fí nu ε ghaw wase, ε bese cu ntaŋ keeshεε εjim Aten bese emben,

2 mum tum Timatio wvù waa bwee wesebeene wvù bee bó lemte Nyo' le yî saaka wvù jee wvu εkumε Klistu le. Bese to tum le wvù eto eleke ben yî mbee wene le ntaŋ, ebvuu etefe ben,

3 le fo bonγεw ban ke eshiw wee mvu ben e ke. Ben kebεε kee lo le bonγεw nu wase fiεε fisεεbeene.

4 Ben kee lo le seke bese to nu beene nu ε bese to see ê ben ε è bεε lo le beene nu ke eyεne bonγεw. Ε è nu ke naa lenlen no fí nu ε kooy wase ε ben kee.

5 Ε nεε fiεε fi to gee ε me ηke ndioo n'yen le fí nu ε ghaw wase, ε me mum ntum Timatio keenkiεε no mbee wene nu, njefo me nto ηkeŋke nfan le è nelo enu ε wee wε wvù momte bonyii ε mom wase ben ε ge lemme dicii di bese lem fô ben e ε tu di εcici.

*Ε Timatio nya saaka εkumε mbee bonyii bo Tesalonika*

6 Geenεn keseen nu ε Timatio ε to wase ê ben e ε kase ε tu jim fô bese le, ε see saaka wvù jee wvu εkumε fitele fi ben lese yî Klistu le bô no ben dunji

kenkonen fô bonyii le. Wvú nu ε see ten no ben kumyi bese naa ntay bvuu kenke shiee keeyen bese le no bese kenke ten shiee keeyen ben e.

<sup>7</sup> Nje fifin boom bo bwee wese le, yî nsase bô bonɔw bô bese kenke le nu ε shém ε leeten bese ekumε ben baay nje fitele fi ben lese yî Klistu le.

<sup>8</sup> Keseen nu ε bese ε yoy nje ben leeme ke temyi ben ε bo Tata.

<sup>9</sup> Nonen bese ε no nyaa keyoone ê Nyo' baay nje ben. Bese nyaa keyoone ê Nyo' nje njon wvù bese yuuke fwe dvu wvú nje ben.

<sup>10</sup> Bese bunlee shiee le entan bô emvunsheen le è nelo é bese ebvuu eyen ben e εjise wvu le bese enya ben bô fiεε fi bεε fuute yî mbee wene le.

<sup>11</sup> Bese bunlee le Nyo' Icee wesebeene kebεε bô Tata wesebeene wvù Jisos eyene je é bese eto ê ben e.

<sup>12</sup> Bese bunlee ten le Tata ege é kenkonen kenεn eku egen fwe é ben ekonεnè bikuu binεn bô bonyii bocii lenlen no bese koonke ben.

<sup>13</sup> Bese bunlee nonen wvu le wvú ege é mvuntelem mvunen etemyi, é ben ke enu se jay, yuule fwe dvu Nyo' Icee wesebeene seke Tata wesebeene wvù Jisos too bô ηgoo ye yicii.

## 4

### *Nce wvù Nyo' koonke*

<sup>1</sup> Keemεese boom bo bwee wese le, bese leke ben kule lo can diεwε bonyii bô nu ε taashε yî Tata Jisos e, le no ben to yeεyeε ê bese no ben kenke keecee no

Nyo' koonke, ε è nu κε naa wase no ben cee keseen, ben egeè κε nonen gene lo fwe fwe.

<sup>2</sup> Ben kee wase bontefe bò bese to nyae ê ben ê mvungay mvu Tata Jisos e.

<sup>3</sup> Fiεε fi Nyo' koonke nu λε ben eceè diεwε bonyii bò è nu bo Nyo' le. Fo ben ejaan̄kè kenjan̄ κε.

<sup>4</sup> Wee mwaan̄ mwaan̄ ben e κεηκε keekee keejici ye ye le ê je yì yuule κεηκε n'wvum e. \*

<sup>5</sup> Fo ye wee enù κε lo yvuwse, ηεyte diεwε yi wee ketum kè yaa kee κε Nyo' κε le.

<sup>6</sup> Fo wee ege kebefε κεηεε ege jay mvu bô waa bwee yî saaka wvudvu wvun e κε. Bese to nu ε jeme wase ciise lo ê ben ε è βεε lo λε Tata nu ke elan̄ ηγεW yî bonyii bò gee mwεεm mvun mvunciim e.

<sup>7</sup> Ben ekeè λε κε Nyo' to teηe beene λε beene eceè ε è nu nce nnyen κε. Wvú to teηe λε beene eceè nce wvù yuule.

<sup>8</sup> Fí ε mum ε no nu λε naa γεε wvù tun keeyuw ntefe wvun e nu ε κε wvú tun keeyuw ε è nu wee wvu wum e κε. Wvú tun keeyuw ε è nu Nyo' wvù nyaa Keyoy kew ke Yuule ê ben e.

<sup>9</sup> Fi εκumε kenkon̄en kè ben eκεηkè fô boom bo bwee wene le bô mbee le nu ε κε shiee nu dvú fô ben e wvù bó ebvuu esaan̄ke εκumε fifiε ê ben κε. Fifi nu fiεε ε ben keβεε nu ε Nyo' to γεεyi wase ben no è nulo é ben ekon̄enè bikuu binen.

<sup>10</sup> Yî keceey e, ben koonke naa wase boom bo bwee wene le bocii bo ê keba kè Masedonia le.

---

**4:3** 5:23; 1Kol 6:13; Ibu 10:10 \* **4:4** κεηεε λε, “Wee mwaan̄ mwaan̄ ben e κεηκε keekee keeκεηκε kpweσε ê je yì yuule, κεηκε n'wvum e.” **4:7** 4:3; 1Bi 1:15-16 **4:8** 1Kol 6:19-20 **4:9** Yeli 31:33-34; Gal 6:10; Εfe 5:2 **4:10** 2Tes 3:4



Geenen boom bo bwee wese le, bese bvuu teete ke ben le ben egeè ke nonen gene lo fwe fwe.

<sup>11</sup> Shiee wene baay enu ε è nu keecee nce wvu nyεkeey, yaa leese ke diuw fô mwεem mvu bonyii le ke. Ben elemtè bô can yene no bese to teetεε ben.

<sup>12</sup> Nonen é bonyii bo ekfuj emum enyaa n'wvum ê ben, ben saa ebvuu etaale wee mvu yî fiεε le ke.

*Ekumε kefew kè Tata nu ke ekase eto le*

<sup>13</sup> Boom bo bwee wese le, ke bese gomte le ben enu kenjiwe le ekumε bonyii bô nu ε kpweken wase ke. Bese gomte le ben ekiεε wvu le fo ben enu yii yii diεwε bonyii bô yaa taale ke fwe yî fiεε le ke.

<sup>14</sup> Beene nu ε bee le Jisos to nu ε kpwe kase buy yî kpwe le, ε è nu ke lenlen no Nyo' nu ke ekase etfuse jim bonyii bô to kpwekene ε bó ε taashε bô bo Jisos, é bó ke enu bô wvú.

<sup>15</sup> Bese jemyi fin bii ε è nu diεw Tata le, le ke beene bô nu ε shεε ejim bô nu ke ebεε dvú yî kefew kè Tata nu ke etoo le nu ke esa fwe dvu bonyii bô nu ε kpweken wase ke.

<sup>16</sup> Ben ekeè le Tata kebεε nu ke enε fowe eshiile too wamte foweεwe bô diεw yî temyi, ε ekole ke bonceendaa bo Nyo' le fuunke ten, ε son Nyo' jemyi. E bonyii bô to kpwekene ε bó ε taashε wase bô bo Klistu emum eyaw ebuy.

<sup>17</sup> Nonen é Nyo' emum ecun beene bô nu ε shεε bô bεε dvú noo bó ntaashε le ê kembew e keegen etasen beene bo Tata ê kebulε le. E beene bo Tata ke emum enu sekeci.

---

**4:11** 2:9; Efε 4:28; 2Tes 3:10, 12      **4:12** 1Kol 5:12-13; Kolo 4:5  
**4:13** 5:1-2; 1Kol 15:51-52      **4:13** 1Kol 15:18-19; Efε 2:12      **4:14**  
Lum 14:9; 1Kol 15:3-4, 12, 20      **4:15** 1Kol 7:10, 25      **4:16** 1Kol  
15:23      **4:17** Jon 12:26; Lum 5:17; Fili 3:20

18 Nonen ben emum elɛɛsè fitele fi wee noo wee le bô njeme wvun.

## 5

### *No è nulo é wee eceyte nto Tata*

1 Boom bo bwee wese le, ekumɛ kefew bô diuu di nto Tata le nu ɛ ke shiee nu dvú fô ben e wvù bó esaan̄kè fifiɛ ê ben ke.

2 Ben kebɛɛ kee lo le diuu di nto Tata le nu ke enu diɛwɛ di coon̄ e entan̄.

3 Bonyii nu ke edioo duu le, “Nyεkeey nu dvú, ɛ fiɛ fi wee efanè yaa nu ke”, é ηγεw emum enɛ esɛsɛ egbwe yî bó le diɛwɛ no lume ke ne to yî kpwoon wvù nu bô fue le, je saa enu dvú keelewtɛ ke.

4 Geenɛn boom bo bwee wese le, ke ben nu finɛn kenjiwe le wvù diuu didvu ke enɛ esɛsɛ eto fô ben e diɛwɛ coon̄ e ke.

5 Me njemyi nen njefo ben bocii nu bonyii bo n'yuule le, nu bonyii bo emvunsheen̄. Ke beene nu bonyii bo entan̄ kenɛɛ bo kenjiwe le ke.

6 Nonen fo beene eleetè no bonyii bomew leete ke. Beene enù we bô bvufee bvusɛɛbeene fó bvucii.

7 Bonyii bô leete ké no leete ɛ è nu entan̄, ɛ bonyii bô mbvuum koole bó nu ɛ mó ké no koole ɛ è nu entan̄.

8 Geenɛn no beene nu fisɛɛbeene ɛ è nu bonyii bo emvunsheen̄, beene emum enù bô bvufee bvusɛɛbeene fó bvucii. Beene ejo mbee bô ken̄kon̄ɛn é mvú enù diɛwɛ ketwaa ke jem e ɛ beene

---

5:2 1:2-3, 10; 2:19; 3:13; 5:23; Mat 24:36; Fili 4:5; 2Tes 1:7, 10; 2:1-2; Mat 24:43; 2Bi 3:10; Mwm 3:3; 16:15    5:3 Yeli 6:14-15; Mat 24:39

5:5 Lum 13:11-12; Efɛ 5:8-9    5:8 Efɛ 6:11-17

ε jise ε ban gvúw yesebeene dvú, ejo ten mboyma wvù beene taale fwe yî dvú le é wvú enù diεwε kefo ke jem e ε beene ε bon.

<sup>9</sup> Ben ekeè le ke Nyo' to caw beene gεε le wen ke eduηce ε è nu shém ye yî ffuuke ê beene ke. Wvú to caw le beene ke ekeηke ε è nu mboyma fele yî Tata wesebeene wvù Jisos Klistu le.

<sup>10</sup> Jisos Klistu nu wvù to kpweε nje yese beene, wvu le keεε beene nu dvú, keεε beene ε kpwekeη, é beene enu ke beene ε bó.

<sup>11</sup> Nonεn ben emum eyvuwsè mvuntelem mvu wee noo wee le, eyootè ten wee noo wee ε wvú kuu ke no ben gee wase.

### *Ntefe wvu fokemεε bô ηgayma*

<sup>12</sup> Boom bo bwee wese le, bese leke lo ben le ben ewvumtè bonyii bô lemte ê ben enteleη taale fô ben e yî saaka Tata le bvuu teete ben e.

<sup>13</sup> Ben eduηci n'wvum ê bó naa ntay yî keηkoηεn e nje lemme dibole. Ben ekeηkè ten nshii wvu nyεkeey fô bikuu binεn e.

<sup>14</sup> Bese bvuu leke ten ben boom bo bwee wese le le ben etefe bonyii bô nu laame ke lo, eyvuwsε mvuntelem mvu bonyii bô keηke jaη e, efice ten bonyii bô wεεyi. Ben ekuulè shém ben ε bonyii bocii.

<sup>15</sup> Ben eyεnè fo wee etfuusè kebefε bô kebefε. Ben egomtè sekecii keegeε ε è nu mwεεm mvù jee fô bikuu binεn e noo fô bonyii bocii le.

<sup>16</sup> Ben elanlanè sekecii,

17 bunleè kefew kecii,

18 nyaà keyoone ê Nyo' yî fiεε ficii fi kooyi le. Fin nu fiεε fi Nyo' shieele fô ben bò nu yî Klistu Jisos e.

19 Fo ben ecilè lemme di Keyoy ke Yuule le κε.

20 Fo ben emwaasè bontum bo Nyo' le bò bonyii teete κε.

21 Ben etaassè mwεεm mvunciim, joò mvù jee leeme yî dvù le,

22 ebvuusè can fô mwεεm mvù befe le mvunciim.

23 Me nλεke le Nyo' kebεε wvù nu Nyo' kembonεn eloocε ege é ben eyuule yî fiεε le ficii. Wvù egεε keyoy kenεn bô mvuntelem mvunεn noo ye yene é yí ke enu σε nlom kefew kè Tata wesebeene wvù Jisos Klistu nu ke eto le.

24 Wvù wvù Nyo' wvù to tenεε ben nu ε wvù ké no leeme κε yî diεw ye le, ε wvù nu ke ege mwεεm mvudvu.

25 Boom bo bwee wese le, ben ebunleè fô bese le.

26 Ben egay boom bo bwee wesebeene le bocii enjocε ê ηηocε bonyii bo Nyo' le.

27 Me njemyi nciise lo ê ben yî mvunγay mvu Tata le le ben etan ηwa' wvun é boom bo bwee wesebeene le bocii eyuw.

28 Tata wesebeene wvù Jisos Klistu ebuw ben bô kembonεn kew é kí enù ben ε bó.

---

5:17 5:25; Luk 18:1; Lum 12:12; Εfe 6:18; Kolo 4:2    5:18 Εfe 5:19-20

5:19 Εfe 4:30    5:21 1Kol 14:29; Εfe 5:10; 1Jon 4:1    5:23 5:1-2;

2Kol 13:11    5:24 1Kol 1:8-9; Fili 1:6; 2Tes 3:3    5:25 1:2-3; Lum

15:30    5:26 Lum 16:16    5:27 Kolo 4:16

**Nwa' Nyo' Monkan mo Monfem  
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
5b12a3f8-7a2a-5b6f-b1da-1bf94b13fc2e